



# INUIT ATAQATIGIIT INATSISARTUNI

---

13. februar 2007

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matumuuna saqqummiuppara:

**Nunarsuarmi silaannaap kissakkiartorneranut atatillugu nunatsinni Naalackersuisut periusissamik qanoq ittumik pilersaaruteqarpat?**

(Inatsisartunut ilaasortaq Olga P. Berthelsen, Inuit Ataqatigiit)

**Tunngavilersuut:**

Naalagaaffiit peqatigiit silaannaap pissusaata allanngoriartornera pillugu ilisimatusarnikkut suleqatigiivisa Intergovernmental Panel on Climate Change-p (IPCC-p) nalunaarusiaa pingaarneq februar 2007 aallartilaartoq tamanut saqqummiunneqarpoq.

Nalunaarusiami ilisimatuussutsikkut paasisat nunarsuarmut tamarmut imaannaanngitsunik sunnii-sinnaasut saqqummiunneqarput. Assersuutigalugu taaneqarpoq silaannaap kissakkiartornera 90%-mik qularutissaanngitsoq inuit namminneq drivhusgassimik aniatitsinerannik peqquteqartoq, imaq 2100-mi 0,2-0,6 meterimik qaffariarsinnaasoq, annertunerusumik nittaattalernissaa siallertalernissaalu il.il.

Tamakkua pissutsit nunatsinni aamma takusalereerpagut, taamaattumik pingaaruteqarpoq inuiaqatigiittut tamakkununga tunngatillugu piareersalereernissaq.